



Kommunane i Vestland

Saksbehandlar, innvalstelefon

Håvard Rød, 55 57 21 43

Skjønsmidlar til fornying og innovasjon (prosjektskjøn) i kommunane 2027

Statsforvaltaren vil tildele skjønsmidlar til fornying og innovasjon (prosjektskjøn) i kommunane, og inviterer med dette kommunane til å søkje om skjønsmidlar til fornyings- og innovasjonsprosjekt for 2027. Søknadsfristen er til og med **måndag 2. november d.å.**

Om ein kommune sender fleire søknader, ber vi om at kommunen set opp ei prioritering mellom sine eigne søknader.

I år vart det opphavleg fordelt kr 12,6 mill. i prosjektskjøn. Av dette er kr 0,6 mill. betalt attende, slik at den reelle fordelinga for 2026 er kr 12,0 mill. Fordelinga av prosjektskjøn for 2027 må bli sett i samanheng med den totale ramma for skjønsmidlar som er gitt til Vestland for 2027.

Retningslinjer

I retningslinjene frå Kommunal- og distriktsdepartementet går det fram at prosjektskjønsmidlane skal bidra til fornying og utvikling i kommunane. Føremålet er å gi kommunane støtte til å prøve ut nye løysingar for å gjere tenestene betre for innbyggjarane, og få fram tiltak som kan gi grunnlag for effektivisering og innsparing. Midlane skal stimulere kommunane til å arbeide med utvikling og innovasjon. Prosjekta kan omfatte alle tenestemråda i kommunen.

Departementet har i retningslinjene presisert at det berre er kommunane sjølve som kan søkje om midlar og stå som ansvarlege for prosjekt. Kommunane kan samarbeide med andre aktørar, t.d. lokale lag og organisasjonar, eventuelt også statsforvaltarembetet. Det må likevel vere kommunane sjølve som skal vere den sentrale parten i dei prosjekta som får tildelt skjønsmidlar.

Det kan bli gitt tilskot til prosjekt med føremål om nye eller endra interkommunale samarbeid, dersom samarbeidet kan bidra til meir føremålstenleg oppgåveløysing.

Kommunane må syne til ein gjennomtenkt og realistisk prosjektplan og gjere greie for utfordringane sine. Det må bli vist til klåre målsetjingar og det kommunen ønskjer å oppnå med prosjektet. Det er ønskeleg å syne til verkemiddel eller løysingar som skal bli prøvd ut i prosjektet.



God formidling av prosjekta som får tildelt midlar er viktig, også for å syne det som blir oppnådd av nasjonale mål og føringar. Informasjon blir også lagt ut på Statsforvaltaren sine heimesider.

Alle søknader som må handsamast etter forsøkslova, vil bli oversende til departementet.

Aktuelle føremål i 2027

Statsforvaltaren ønskjer å stimulere kommunane til prosessar innan og mellom kommunar for å kunne utvikle tenestetilbodet, bruke ny teknologi og få betre økonomi i drifta.

Vi vil i hovudsak vidareføre søknadsføremåla frå 2026 til 2027. Vi har justert føremåla noko for 2027 på bakgrunn av søknadene for 2026. Kommunane kan for 2027 særleg vurdere følgjande søknadsføremål:

- Kommunale tenester til helse og omsorg
- Kommunale tenester til barnehage og skule
- Kommunal tenesteutvikling for utsette barn og unge
- Planarbeid
- Samfunnstryggleik og beredskap
- Klima- og miljøutfordringar

Kommunane kan også søkje om midlar til andre føremål innafor sine tenesteområde.

Nye eller endra interkommunale samarbeid er relevante innafor dei nemnde søknads- og tenesteområda, og kan bidra til betre oppgaveløysing. Det er særleg relevant på fagområde som kommunane har store utfordringar. Vi legg vekt på at det er samarbeidsprosjekt som omfattar fleire kommunar, mellom anna for at prosjektmidlane skal få større nedslagsfelt og gi betre læringseffekt.

Prioritering av prosjektsøknader

Vi legg i vurderinga av prosjektsøknadene vekt på:

- klåre kvalitetsforbetringar eller effektiviseringsgevinstar
- bidrag til reell fornying
- konkrete gjennomføringsprosjekt framfor utgreiingsprosjekt
- minst 50 prosent kommunal eigenfinansiering
- overføringsverdi til andre kommunar
- samarbeid mellom fleire kommunar

Det blir ikkje gitt prosjektskjøn til følgjande oppgåver/tiltak:

- utføring av ordinære driftsoppgåver
- ordinær gjennomgang av kommunal organisering
- kjøp av utstyr
- næringsutviklingsprosjekt, då tilskot til dette kan bidra til uklår ansvarsfordeling mellom statsforvaltaren og fylkeskommunen

Prosess for tildeling

Kommunane kan søkje om skjønsmidlar til fornyings- og innovasjonsprosjekt direkte til Statsforvaltaren. Som tidlegare skal det sendast søknad på eige søknadsskjema som ligg i portalen for prosjektskjøn. Denne finn du her: <https://prosjektskjonn.statsforvalteren.no>



Den i kommunen som søker må nytte Id-porten (til dømes bank-id) og må legge inn person-opplysninger, e-postadresse i kommunen, rolle (søkar), og kommune (obligatorisk). Førespurnad om godkjenning som søker blir sendt til Statsforvalteren gjennom portalen. Når godkjenning er gitt, kan søker gå inn på <https://prosjektskjonn.statsforvalteren.no> og fylle ut søknad.

Søknadsperiode

Søknadsperioden for 2027 er fra mandag 31. august til og med mandag 2. november d.å.

Dei interkommunale politiske råda kan uttale seg til søknadene dersom dei ønskjer det. Vi må bli kontakta om dette på førehand slik at søknadene kan bli gjort tilgjengelege for råda. Råda avgjer sjølve om dei vil kome med framlegg til prioritering mellom søknader eller berre uttale seg generelt. KS vil få høve til å uttale seg om søknadene i møte med Statsforvalteren.

Rapportering

Rapportering for prosjektskjøn for 2026 må gjerast i same portalen:

<https://prosjektskjonn.statsforvalteren.no> Frist for rapportering for 2026 er 1. februar 2027.

For rapportering av prosjektskjøn for 2027 er frist førebels 1. februar 2028.

Med helsing

Gunnar O. Hæreid
assisterande statsforvaltar

Synnøve Stalheim
direktør

Dersom det er spørsmål til innhaldet i brevet, kan kommunane ta kontakt med Marit Lunde (57643005), Håvard Rød (55572143) eller Edvard Høgestøl (55572045) hjå Statsforvalteren, eventuelt på e-post.

Dokumentet er elektronisk godkjent

Kopi til:

KS Vest
regionvest@ks.no

Adresseliste til dei interkommunale politiske råda:

Region Nordhordland IKS, Kvassnesvegen 23, 5914 Isdalstø



e-post: post@regionnordhordland.no
Hardangerrådet, Postboks 78, 5782 Kinsarvik
e-post: post@hardangerraadet.no

Samarbeidsrådet for Sunnhordland, Postboks 444, 5403 Stord
e-post: firmapost@samarbeidsraadet-sunnhordland.no
Sognarådet, Gravensteinsgata 17, Pb. 153, 6851 Sogndal
e-post: postmottak@sogndal.kommune.no

Nordfjorderådet, Pb. 294, 6701 Måløy
e-post: post@kinn.kommune.no